



Bihar election atema BJP-i

Dharmendra Pradhan In-charge shim

Israel nem West Bank

magidaktsütsü

Nagaland Governor-i NH-29 osang metetpela

Dimapur, September 26, 2025

(TYO): Nagaland Governor Ajay Kumar Bhalla-i September 26, 2025 nü Raj Bhavan nung Kohima-Dimapur National Highway (NH-29) atema senden ka ayonga menogo.

Senden nung Peren-Dimapur, Kohima-Jessami, Kohima-Mao, aser Dimapur-Kohima nung maparen inyakba osang metetpelatsep.

Ketdangsürtemi pei pei lemozüka tesem nung mapa inyaka aruba aser tayongzüba balala ajuruba indang lemsatsep. NHIDCL aser PWD (NH)-ia PowerPoint presentation ajanga mapatong indang osang metetdaksü.

Governor Bhalla-i anentsüh alua aliba tesemtem nung tanga lenmangtem bushiteptsü aser lenmang junga alitsü atema drainage aser sewage systems shitak yanglutsü metetdaksü.

Iba lenmang nung aser talisa Nagaland-Manipur highway nung khu talila abenba truck garitem jungjunga mita

reprangtsü atema paisa ashi.

Governor Bhalla-isa bangdak departments aser agencies-i amalitepa public ajangzüksü atema mapang shitak nung mapatongtem tembangtsü ayongzüük.

Senden nung Commissioner and Secretary, NPWD, Kesonyu Yhome-ia Nagaland Governor dang highway nung state sorkari tesem kar nung maparen inyakba osang metetdaksü.

Governor Bhalla-i ayongba senden nung National Highways and Infrastructure Development Corporation Limited (NHIDCL), Government of Nagaland, Public Works Department (PWD) officials aser National Highways officials aden.

Senden nungsa ADGP (Law & Order) Sandeep Tamgadge, Commissioner of Police Dimapur, Aotula T. Imchen, Deputy Commissioner Kohima, B. Henok Buchem aser Deputy Commissioner, Chumoukedima Polan John nung aden.

JICA India-i Nagaland semdang

Dimapur, September 26, 2025

(TYO): Nagaland Institute of Medical Sciences & Research (NIMSR) aser Japanese Universities tsüngda research collaboration asütsü lenmang bushiteptsü atema Japan International Cooperation Agency (JICA) India Office teshimtet telok ka Nagaland nung arua lir.

JICA Country Head Takuro Takeuchi aser JICA Representative Ms. Saya Ishikawa nati anir teshimtet teloki Kohima semdang.

JICA-i Official Development Assistance (ODA) ajanga NIMSR nung 400-bed Medical College Hospital ka yangluba nung yariteper.

Iba ajanga Nagaland nung

tertiary healthcare services tashi aittsü aser medical education tajungba akümtsü nükjidong lir.

September 22, 2025 nü Japanese nung teshimtet teloki NHAK, Seikhazou UPHC, NIMSR semdanga liasü aser Chief Secretary o Directorate of Health & Family Welfare ketdangsürtem den senden amen.

Senden nung stomach cancer, toxicology, elderly care management, infertility, aser medicinal plant & biohazard studies den faculty aser student exchanges onüktem lemsatsep.

Japan den amalitep ya health sector dak alia tanga maparen nunga alitsü akok ta State health ketdangsürtemi ashi.

DUCCF-i Nagaki City pusema nungiter

Dimapur, September 26, 2025

(TYO): Putu 21 buba nung Nagaland mesamatsü aser renloka aotsü atema Dimapur Urban Council Chairmen Federation (DUCCF)-i Nagaki City yangluba nung state sorkar pusema nungittsü.

Naga nung ajak ajangzüksü atema sendaktepa alir, yimtenren lennirtem, kin teloktem, civil society groups aser public-i Nagaki City yangluba pusema nungittsü mepishir ta DUCCF-i sangdong ka nung ashi.

Nagaki City ya Naga nung ajak asoshi tarutsü yimti ka akümtsü akok ta DUCCF-isa ashi.

Nagaki City ya kanga junga shisadanger urban center ka ama yangertsüla aser sorkari Nagaki City project tenzüka aotsü ayongzüker ta parnokisa metetdaksüogo.

Sorkar indang mangdang ya paper nung dang masü saka asangsang nung mapa küma inyaksüla ta DUCCF-isa ayongzüük.

Nagaland nung Jute & new-age fibre tsünütsü atema MoU sign asü

Kohima, September 26, 2025

(TYO): Kohima nung telok pezü adenba Memorandum of Understanding (MoU) ka nung sign sütepogo aser iba ya Nagaland kübok district balala nung natural fibre cultivation atema lir.

Iba MoU ya National Jute Board (NJB), Jute Corporation of India Limited (JCI), ICAR-Central Research Institute for Jute and Allied Fibres (ICAR-CRIJAF), aser Agriculture Department, Government of Nagaland tsüngda sign sütep.

Iba sentong nung Agriculture Production Commissioner (APC) Nagaland Wezope Kenye menden liasü aser Director Sanuzo Nienu, Joint Secretary Ministry of Textile Padmini Singha, NJB Head (Technical) Mahadeb Datta, JCI Director (Finance) Kaushik Rakshit aser tongti ketdangsürtem aden.

Küm pungu 2025-26 nungi 2030-31 atema MoU ajanga Nagaland kübok tesem balala nung jute farming ulushitsü, agronomy practices tajungba akümtsü aser flax, ramie, o sisal amala fibres tenzükdangtsü nükjidong lir.

Jute ya biodegradable, renewable, aser eco-friendly lir aser iba ajanga plastics o timber melenzüksü lenmang tesadem lir ta ketdangsürtemi ashi.

Alima nung jute aser jute goods teimba adokdakji India lir aser iba industry ya sorkar dak dang teimla yur inyaka arur. Tanü

Nagaland nung MoU sign asüba ajanga industrial applications tasen lapoktsü aser value-added fibre production adoktsü imlar.

Nagaland Agriculture Department-i ali bushitsü aser aluyimertem bushitsü aser schemes ajanga teyari agütsütsü.

NJB-i Jute ICARE and New Age Fibre Mission kübok technical, financial, aser promotional support agütsütsü. Külen, ICAR-CRIJAF-i technical guidance, seed varieties, aser R&D teyari agütsütsü.

JCI-i procurement aser price support mechanisms nung yariteptsü aser aluyimer nem tagütsütsü tim agütsütsü.

Nagaland nung tsüingsang-mopung ya jute aser flax cultivation atema kanga tajung lir ta ketdangsürtemisa ashi.

"Iba MoU ajanga onoki Nagaland nung jute cultivation mapa tulu inyaknür. Jute ya cash crop ka lir aser shishilembadak tajung den sendaktepra aluyimertemi kanga ajangzüksü. Iba MoU ajanga aluyimertem agronomic practices, modern cultivation methods, aser mechanization nung teyari tulu angutsü" ta Secretary & CEO NJB Shahshi Bhushan Singh-i ashi.

"Iba mapatong ya sen endokba masü aluyimertem yariba lir. India sorkari ICARE scheme den Nagaland National Food Security Mission (NFSM) sendaktepogo. Onoki mezüng nung aluyimer nem angati dang seeds, machinery support, aser

training agütsütsü. Onoki Nagaland nung district 7 nungi 8 tashi ka nung tenük yoker. 2026 nungibo jute cultivation ajanga aluyimertem tajangzüük angutsü" ta Shahshi Bhushan Singh-isa ashi.

"Nagaland kübok tesem kar nung jute cultivation tenzükögo aser iba MoU ajanga ulushitsü. Tang iba programme ya district 7- Peren, Chümoukedima, Dimapur, Niuland, Wokha, aser Mon o Mokochung shilem kar nung inyakdar" ta Joint Director, Agriculture Department & Mission Director, NFSM Nagaland Viwheto Thorie-i ashi.

NJB aser JCI teyari ajanga aluyimertem tajangzüük tulu angutsü atema production aser marketing maparen shitak inyaka aotsü, ta pai ashi.

Nagaland nung jute lu ayimtsü atema ali 3,000 hectares shi tesadem lir aser iba nungi 350 hectares nungbo jute cultivation tenzükögo, ta Thorie-isa ashi.

"Taoba nung middlemen-i seret nung Rs 25-30 shi agütsü saka JCI aruba sülen minimum support price dena aluyimertemi 2023 nung Rs 41.50 angü. Taküm seret ka nung Rs 56.40 kümogo aser tesem kar nungbo middlemen-i seret nung Rs 60 tashi agütsür. Iba ajanga JCI den sendaktepba ajanga asen aluyimertem ajangzüükba sayur" ta paisa metetdaksü.

Jute ya 120-day crop ka lir aser teshimtet district tem nung March nungi July tashi ayimtsü.

NCS (Probationers) 2024 Batch atema Bharat Darshan programme agir

Dimapur, September 26, 2025

(TYO): Nagaland Civil Service (Probationers) 2024 Batch pur Bharat Darshan programme September 9, 2025 nungi tenzüka agidar.

Parnok Institute of Management in Government (IMG) - Kerala nung week attachment mungogo aser idangji good governance aser tourism sector atema study tour agi.

IMG nung hopta ka amungdang parnoki NCS (Probationers) 2024 Batch-i Kerala Administrative Service Officers den ajurutepa

sensaksem aser Good Governance - Kerala Perspective indang session ka agi.

Parnokisa Kerala Art & Craft Village, Start Up Mission, Centre for Tuber Crops Research Institute (ICAR - CTCRI), Alappuzha Houseboat Project of District Tourism Promotion Council (DTPC), aser Kanyakumari nung field visits senzü.

NCS (Probationers) 2024 batch purisa alima nung nüngtugu humanitarian leader Mata Amritanandamayi den ajuruteper. Lar telok M.A. Math

ajanga alima tesem balala nung charitable activities inyaker. Lar telokisa India nung top ranked private universities - Amrita University aser private hospital - Amrita hospital ketdangsüa repranger.

NCS (Probationers) 2024 batch pur maneni ATI (Administrative Training Institute), West Bengal aser SIPARD (State Institute of Public Administration and Rural Development), Tripura nung hopta kaka amungtsü ta Director General Administrative Training Institute, Kohima, V Shashank Shekhar, IAS-i sangdong ka nung ashi.

Manipur, Nagaland, Arunachal nung AFSPA atsülanger

Guwahati, September 26, 2025

(Agencies): Manipur nung police stations 13 telongtet dak alaka tanüngba tesem ajungalen Armed Forces (Special Powers) Act ita trok atema atsülanger.

Manipur nung law & order tensa nung ajemdaker September 26, 2025 nü Union Home Ministry-i iba osang metetdaksü. AFSPA kübok state mesüra

tesem kar 'disturbed' ta züngoker.

Maneni, Nagaland nunga district 9 aser tanga district 5 nung police station 21 telongtet nung ita trok atema AFSPA atsülanger.

Arunachal Pradesh nung Tirap, Changlang aser Longding district tem aser Assam den arrtsüa aliba police station 3 telongtet nung AFSPA atsülanger

ta MHA-isa metetdaksü.

State asem nung 'disturbed area' atsülangba ya October 1, 2025 nungi tenzüker ita trok atema asütsü.

AFSPA ya tashiyim aketba ozüng ka ta aitsür. Iba ozüng ajanga disturbed areas nung armed forces nem mita aotsü, nisung aputsü aser injang khatoktsü tashi agütsür.

Dimapur nung Waste Management & Composting indang workshop ayong zük

Dr. Rosemary Dzuovichu amokmerenba DAYO aser ALTC-i aitsür

NIFAA Silver Jubilee Awards 2025 nung Nagaland tushi

Khensatsürtem Khensayim dak adenshia shisatok dener

Khensa, Sept. 26, 2025 (TYO): "Südem Akangshiro" omen dak rangloker pezübuba Khensatsür shisatokden sentong ka Khensa Baptist Arogo Women Ministry ajanga ayongzüka Khensa Baptist Arogo nung kadaki. Iba sentong nung Khensatsür yimdaklir nungi tenzüka jila balala nungi parnok noklang pezü jungnüa adenshir shilem agia mungdaki. Iba sentong ya Khensatsür bendanglen alir aser yimsüng nung alir ajak tejak o tajak na nguyutepa metetpela-a den kadi ka ajungshitepa, kechisarena ajak nung rajemshia aser tangar den lirumedema tejakleni aotsü nükjidong yur tenzüka maparen ka lir.

alitätsü asoshi mopung temürek ya
tongtipangtiba lir, saka gari,
industries, jana arongba ase
inisung meimchir inyaksangshi
balala ajanga menentsür, ta lai
ashi.

Lai NCAP indang rateta
ashi, koba Ministry of
Environment, Forest and
Climate Change, Government
of India ajanga 2026 tashinung
mopung menenba
ajemdaktsütsü nükjidong nung
2019 küm tenzükba lir.

(Maneni tapak 8 nung...)

BSNL-i 4G mobile towers amenoktsü

PHED-i state ajunga nung
merekmejung sentong ayongzüka agi

Economics & Statistics Department-i metetdaksür

SANGDONGER

ICICI Bank Registered Office: ICICI Bank Tower, Near Chakli Circle, Old Padra Road, Vadodara- 390007

Corporate Office: ICICI Bank Towers, Bandra-Kurla Complex Mumbai 400051

GOLD E-AUCTION CUM INVITATION NOTICE

The below mentioned borrowers have been issued notice to pay off their outstanding amount towards the facility against gold ornaments. ("Facility") availed by them from ICICI Bank Limited ("ICICI Bank"). We are constrained to conduct an E-Auction of pledged gold ornaments on October 08, 2025 as they have failed to repay the dues. ICICI Bank has the authority to remove account /change the E-Auction date without any prior notice. Auction will be held online- <https://jewel-auction.procuretiger.com> between 12:30 pm to 3:30 pm. For detailed Terms and conditions, please log into given website. In case of deceased borrower, all conditions will be applicable to legal heirs.

Loan A/C No.	Customer Name
Branch Name: Dimapur	
047662001335	Kiran Sarkar

Date : 27.09.2025
Place : Dimapur

S/d Authorised Officer
For ICICI Bank Limited



September 26, 2025 nü New York nung India-SICA Foreign Ministers senden nung Union External Affairs Minister S Jaishankar aser Panama Chancellor, Javier Martinez-Acha Vasquez na den tangartem tangokba noksa nung angur.

UN nung Turkey Tir, Erdogan-i jembiba o India-i aitsür

New Delhi, Rongjui/ September 26 (Agencies): UN senden nung Turkey Tir, Recep Tayyip Erdogan-i Jammu & Kashmir indang jembiba olen India-i sashia aitsüogo.

India-i, Turkey Tiri jembiba o nungji tashishitsü keta lir, kechiyong Jammu & Kashmir ken o ya linük ana tsüngda ken o lir aser iba onük nung tangaria shilem agitsü makok, ta metetdaksü.

Hokolbarnü Ministry of external affairs (MEA) otongdar, Randhir Jaiswal-i, iba ken o nung India tangatetba memelenshi, ta metetdaksü.

Jaiswal-i, "Kashmir onük nung onok tangatetbaji tejangja aser iba tangatetbaji memelenshi. Iba onük nung tiyongtsüi aita inyaksü dak

sendakba nunga- India aser Pakistan na tsüngda tasembuba telok ka tiyongtsüi aita inyaksü menügdak," ta metetdaksü.

80buba United Nations General Assembly senden nung jembidang Turkey Tiri, India aser Pakistan nati ceasefire tezüngzüktep yangluba atema Turkey pelar, ta ashi.

Turkey Tirisa, Kashmir mangatettep ken o ya UN bangzüng nung ajemdaker ken o jembiba ajanga latettsüla, ta metetdakja liasü.

Tamalen-a Erdogan-i Pakistan aiben pusema jembio, aser tawa Islamabad semdangba mapang nunga pai Pakistan pusema jembia liasü.

Jaiswal-i, Erdogan-i jembiba o nungji tashishitsü tulu keta lir, aser India-i Turkish ambassador nem-a ibaji metetdaksüogo, ta

ashi.

"India nunger litsü aser nüchiso anema tashishitsü otem jembibaji onoki khenyongi magizükteter," ta Jaiswal-i ashi.

Jaiswal-i, "Jammu & Kashmir nung timtem adokba teraji Pakistan nunger inyaksangshi ajanga lir. Pakistan-i arrtsü adener India anema kiralongraba ya anentsüla, kechiyong iba ya Jammu & Kashmir nung alirtem atema amokmeren tulutiba lir," ta ashi.

New York nung UNGA senden aliba mapang nung External Affairs Minister, S Jaishankar-i US Secretary of State, Marco Rubio-a ajuruogo. Lenir anati India-US tsüngda tesendaktep tashi itshitsü aser Quad kübok Indo-Pacific region ajungkettsütsü atema jembia.

August ita tashi nung bendanger raliwalir lakh 56-i India semdangogo

New Delhi, Rongjui/ September 26 (Agencies): Taküm küm tenzüker August ita tashi nung bendanger raliwalir lakh 56-i India semdangogo aser linük telung nung alir raliwalir crore 303.59-i linük tesem balala semdangogo.

Taküm April ita tashi nung medical treatment atema India semdanger bendanger 1,31,856 liasü. Financial year 2024-25 nung Sustainable and Responsible Tourism (SASCI) mapatong kübok state 23 nung project 40 atema sen crore 3,295.76 lempzüksü aser senotsü ajakji Centre sorkar senpong

nungi agütsür.

Rongsenkettzüng dak sendakba sectors rongnung tourism sector ya kanga tongtibang; iba sector ajanga bendangleni osettsüset yokba jenjang ajungkettsür aser alima nung azükaru jenjang ajungkettsür.

Linük rongsenkettzüng jenjang aintsü, mapa jenti adokdaksütsü aser sobaliba ajungkettsütsü nükjidong nung tesüiba küm 10 tsüngda sorkari tourism sector ajungkettsütsü atema mapatong tasen aika benoka inyakogo.

Taküm June ita tashi nung

bendanger raliwalir lakh 16.5-i India semdang aser India nungi bendang linüktem semdanger lakh 84.4 liasü.

Linük nung tourism ajanga sen crore 51,532 shi ajangzüko. Iba dak alia 2023-24 kümsük nunga tourism sector ajanga India nunger GDP nung sen 15.73 lakh crore ajangzüka liasü.

Periodic Labour Force Survey (PLFS) ajanga ashiba agi, tourism sector ajanga mapa (direct jobs) million 36.90 adokdaksü aser mapa (indirect jobs) million 47.72 adokdaksüogo.



September 26, 2025 nü Chandigarh Air Force Station nung 'MiG-21 Operational Flying Ceremony' tatembangbuba sentong nung Indian Air Force Surya Kiran Aerobatic Team (SKAT)-i shilem agidang tangokba noksa nung angur.

Tang Russian nunger army nung India nunger 27 lir: MEA

New Delhi, September 26 (Agencies): Brihostibarnü Ministry of External Affairs (MEA)-i, tang Russian Army nung India nunger 27 lir, ta metetdaksü.

Ministry of External Affairs nung otongdar, Randhir Jaiswal-i, "Onoki osang angazükba apibo tang Russian Army nung India nunger 27 lir. Iba dak sendakba nung onoki parnok kibong züngsemtem den tongtepratepa jembidar. Onoki sensotemji chioktsü atema takhangba agütsüogo. Ano maneni onoki India nungertem danga Russian Army nung tenzüksü atema tajaba sendoktsü mepishir, kechiyong iba nungji tashiochtsüba aser lendong lir," ta ashi.

Hopta ana tejaklen Russian army nung adentsü aser Ukraine den raratsü atema India nunger mesüzükba osang temai adokba sülen EAM-i India nungertem dang tekümdangtsü osang metetdakja liasü.

"Tawa Russian Army nung India nunger kar züngokba osang onoki angazükogo. India nungertem dang Russian Army

nung madentsü atema sorkari mapang shia tekümdangtsü metetdakja arudar," ta Jaiswal-i metetdaksü.

Taküm küm tetenzüklen Parliament nung MEA-i, Russian armed forces nung India nunger 127 denogo aser India sorkari Russia den jembiba sülen India nunger 98 bo sepai nungi anisüngzükdaksüogo, ta metetdakja liasü.

Iba mapang nungji Russian army nung tetenzükdak India nunger 13 liasü aser India nunger 12 bo samar liasü.

Yaküm India nung aliba Russian Embassy-i, joko Russia-i India nungertem Russian army nung meshimoker, ta metetdakja liasü.

Yaküm July ita nung Ato kilonser Narendra Modi-i Russia Tir Vladimir Putin den jembiba mapang nungi tenzüka India nungertem Russian army nung meshimoker.

Russian Embassy-isa, tang Ukraine-i yoka aliba India nunger sepaitemji chioktsü atema parnoki India ketdangsertem den amalitepa inyakdar, ta metetdakja liasü.



September 26, 2025 nü Patna nung Bihar Deputy Chief Minister Samrat Choudhary, BJP National General Secretary Vinod Tawde aser Bihar State Tir, Dilip Jaiswal nungeri Bihar assembly election atema NDA nüboyim sentong tenzüksüdang tangokba noksa nung angur.

Bihar election atema BJP-i Dharmendra Pradhan In-charge shim

New Delhi, September 25 (Agencies): Bihar nung assembly election agitsü joko hopta ishika dang lia iba election lenitsü atema Bharatiya Janata Party (BJP)-i Union Education Minister, Dharmendra Pradhan in-charge shimogo.

BJP National General Secretary aser headquarters in-charge, Arun Singh-i shidi ka ajanga Bihar election nung deputy in-charges ji Union Jal Shakti Minister C.R. Patil aser Uttar Pradesh Deputy Chief Minister Keshav Prasad Maurya na asütsü, ta metetdaksü.

BJP Tir, J.P. Nadda tetuyuba nung ajemdaker Bihar election in-charges par asem shim.

Lenir asem jagi kobi melii Patna semdanga state BJP

lenirtem aser organisational officials den senden mena asalentong yanglutsü.

Bihar nung assembly menden 243 lir. Iba election nung Chief Minister Nitish Kumar leniba nung NDA aser JDU-i aniba Opposition Mahagathbandhan teloktep na tsüngda tokteptsü.

Chief Election Commissioner Gyanesh Kumar-ia Bihar semdanga election atema terenemshiba jenjang asadangtsü, iba sülen election agitsü anogotem sangdongtsü.

Election Commission-i CEC Kumar-i Patna semdangba mapang tashi nungbo election duty atema lempzükja aliba ketdangsertem peipei tesem nung alitsü tuyuogo.

(Maneni tapak 8 nung...)



TIR YIMYIM YIMOBILEM (EDITORIAL)

DIMAPUR

KÜPTOKNÜ

RONGJUI 27, 2025

Na Naga asü masü ?

Asenok Nagaland nungbo Naga nungger masü amato, ni Ao, Ni Sema, Ni Lotha, Ni Angami, Ni Chang, Ni Konyak, ni Phom, ni Rengma aser ni Chakhesang ta asenoksasa asenok agi kin terpungo-trok ka lemsar, ni Naga nungger ta Nagaland telong nung jembibabo kangabo mangshitsü. Ano, iba amaji asenok rongnung kin balala lemsabaji dang masü saka ano asenoki asenoksasa longjemer ama bilema inyakbaji, Nagaland nungsa süaka anüdoklen, anülulen aser Nagaland tiyongsü nung alirtem telok balala kuma lemsar aliba yagi Nagaland nung alir Naga nungertem yabo Naga nungger mesüner amai tangaribo angtettsüsa asenoki sayur. Ajisüaka, Nagaland telong nung asenok o asenok na putepa melitetba agi Naga nungger masü amai pei pei kin tenüng dang amer liteper dang ashi, kodang Nagaland artsü adena asenok odir, idakjibo asenok Ao, Angami, Sema, Lotha, Chang, Sangtam aser Konyak ta asüba kin tenüng to masü ajak Naga nungger akümer, kechiyong tangari asenok ajak ya Naga nungger-a ta dang metet. Ibaji kodang bilemdangdir, asenokibo Naga nungger ta asüba tenüng nung melongjemner saka tangariang asenok longjemtsür amato asenoki angatetsü. Aji oda, tamalen tesem balala nung Naga nungertem dak atalokba timtem lendong mapangtem aika lir saka itemji yutsür, tang yashi yakanü Kaziranga University nung Naga nungger kaketsür kati Assam nungger nungtugu kentener ka Singapore nung sür mangyimtepba mapang, paji mezügmeshia jembiba ajanga Kaziranga University nung azünger Naga nungger ajak tetsübuttsü lendong mapang kati yokba asenok ajaki angashiogo. Aji oda, Assam nungger tasüsang nungtugu kentener mezügmeshia jembibaji Kaziranga University nung azünger Naga nungger kin ka chanui jembia, ajisüaka Assam nungertemi par kinji masü saka Naga nungger bushi aser amokmeren tulu liasü. Iba mapang, Assam nungger tasüsang kentener mezügmeshia jembisanger kinji dang masü saka Naga nungger ajak kanga shisabolua nükenogo. Aji oda, Assam nungertemi par senso tajung mezügmeshia jembibaji Naga nungger anüdoklen alir kin asü, anülulen alir kin (?) ta masügdang saka Naga nungger ka liasü ta dang parnok metet, anungji Assam nungger asoshi Naga nunggerji ka dang liasü. Iba tatalokba ya kodang asenoki shisadangdir, asenok Nagaland nung asenoksasa onok anüdoklen alir, onok tiyong nung alir aser onok anülulen alirtembo balaka ta Naga nungersa ser nung asenok lemsar aliba yagi asenok asoshi tajangzük dangbo takoksa tuluba agütsür ta angateter. Atangji, asenok lipok otsü agi yamaji dang tenzük aser lia aru nungji, Naga nungersa süaka kin balala aliba ya mali mesütet, kechiyong Naga nungersa süaka kin shia oshi balala aser sobaliba nunga memedem, anungji kin aika agi Naga kin akümba telungjem ka lir ta angateta, asenoki asenoksasa "Onok Naga nungger" ta asüba tangatetba nung longjema alitsübjang tongtibang lir. Ajisüaka, Naga nungger ta asüba kin ajak longjemer Naga nungger telungjem ka meyanglutet aser mekatetbaji asenok Naga nungger asoshia tamakok tuluka lir. Aji oda, Nagaland nunga Naga nungger telungjem sabang kata mali aser Nagaland adenerbo Naga nungger anüdoklen alirtem o anülulen alirtem na sabang kenyongi balala ta tangar tsügdanga asenok melungjemtetba sayua asenok liteper. Ajisüaka, kodang, tang Kaziranga nung atalokba ama atalokdir, idangjibo Naga nungger anüdok anülü kecha mali aser ozü kin, par kin, onok parnok kecha mali, ajak Naga nungersa asütsü. Atangji, asenoki angateta lir, ajisüaka asenok taginüba ka matalokba agi mesüra tangari asen mulung yirutsüsa inyakba agi asenoki lungjema alitsü asoshi memulunger asütsüa akok. Ajisüaka, alima nung anogo shia aseni aginüba ama dangbo tangari meinyaktsü aser asenia anogo shiabo tangari mulungba amabo melitetsü, ibaji alima nung nisunger yimya aser lokti nunga teti dangbo aseni mulungbaleni maotsü. Ajisüaka, asenok longjema lira, asen lima nung asenok tipdema alitsü aser tangalena asenoki tebilemtsü tulu koktettsü. Aji oda, asenokibo Naga nungger telungjem nung medennütsüa akok, saka tangari na Naga nungger asü masü ta dang asügdangtsü, kechiyong tangari asenok ya Naga nungger ta dang meteta lir, anungji asenoka Naga nungger asütsüla.

OLEMSABANG

Arogotemi Sentem Amshiba

P. Renthly Jamir.

(Yashi adok nungi...)

Tang iba ocet taginüba onük dangi arudi Ao lima nung sen, arur sentem keter apushia amshiba nungi anguba tesama aser tajangzük balala indang den külemi sen aputsürtem teinyaktsü government temzüng aser State Bank of India sen aputsüba tongmelang agi angazükogo. Aser onük yagi aginübaji süra ABAM aser arogo temi Tsüngrem nem agütsüba tenla, lai nung koba dang Liberal gift ta ajar Tsüngrem meyong sen kechiyong iba sen ya temeshi langbang nung yur putir-i ya ne nem bendanga agütsür joko onok meyong masü, ta azüngashia sarasademer pa nem agütsüba sen lir. Onok ket nung alidangbo iba rongsen ya memeshi memerük liasü tangbo joko Ne temeshi senbong nung song agi machidak rizünger ta meshiteter enoka ayu. Süra Tsüngrem meyong sen ya Arogotemi sentem temloka amshitsü tim asü masü, lai nunga koma ashir aser linük temzüng (Money lenders act) agia melar asü koma tang arogotem kari arogo sen temloka amshiba angur aser angashir. Arogo kar nung General ta mission fund ta Arogotsür atema ta kibong junger ajak nem sen meyi ter mapang tatsüka atema loan lemtsüyonga arutsü temeyiptsüdang kari 10000 + 10000 temloker 20000 agütsür kari 10000 + 5000 temloker 15000 agütsür kari 10000 + 3000 temloker 13000 agütsür. Tetezü noklang nung kari noklang temloktsü kar tenem kari semer temloka agütsü.

Iba ya linuk senpuba temzüng anema lir. Aser arogotem ya linük temzüng kübok tashi anga-a anidaktsü Laishibai mela-a lir.

Ano ABAM PROPOSED BUDGET 2024-2025 kodang reprangdir Saving Bank interest dak talila ano Bank nung sen sentem keta amshiba(Bank nem sen aputsüba) bank interest aruba yamai account balala nung angur (ya saving bank interest masü)

1. ABAM Bank interest nungi aruba sen....
2. WOMEN ministry VTPC Bank interest....
3. ABAM VEHICLE Bank interest....
4. RENT HOUSE Dimapur Bank interest....
5. Rev Longri Youth Memorial Hostel Bank interest....
6. MITKAR KAKET Bank interest....
7. MISSION MINISTRY- Imoangba Trust Fund Bank interest....

Iba temeshi tenla bendenba sen ya joko Tsüngrem nem bendanga ozü ket nung alidangbo temenen rongsen liasü tangbo ne nem bendanga agütsür ta shir agütsüba sen tetemlok keter amshitsü kibongtem nem aputsütsü Bank nem aputsütsü ya Tsüngremi mulungba pai apushiang ta ashiba asü masü. "Sen mesüra oset nung nai kecha tetemlok tagi, sakane adianu nu den alitsüsa ne Tsüngrem tsübuang" Levi- 25:36 "shibai pei sen sentem magütsür mesüra tai makar anema süpokrem magir shibai itemi inyakdir kodanga marakzütsü" T.k 15:5. Ano tenyartem ajungshitepba o-ji "sen meimba nungi nenok pila-a liang nenok kechi aka idakji nenok temulung süa liang" Ibri 13:5 tetezü aika arishia sentem tamshi ta ashir. Mungdang aser arogotemi sen tali tapong arishiba yagi inyaker aika ochi mashi sen nung alanga atoker. Aser mungdang sen arogo sen ketdangsürtem temonoktsü atokba kecha aakseta malir (public criticism) Paulibo " we want to avoid any criticism of the way we administer this liberal gift" 2.Kor.8:20 Iba ocet ya tazungertemi pei sasa rateta agitsü ayongzüker.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Texas nung aliba Arogo ka nung nisung 700 jungnúa bapti



Texas nung aliba Lakepointe Arogo nung tekülem sentong agidang tangokba noksa nung angur.

September 26, 2025: Texas nung aliba Arogo ka nung Amongnü tekülem sentong ka nung nisung 700 jungnúa bapti aser noklang aikati Khrista agizük.

Rockwall, Texas nung aliba Lakepointe Arogo nung pastor, Josh Howerton-i, September 21 nü Amongnü tekülem sentong nung adentsü atema nisung noklang aika adenshia liasü, ta metetdaksü.

Pai Facebook ajanga, "Tanü nisung aika adenshiba ama ni mengudang. Tenla ki 'steps' nunga nisung aika Laishiba bener tekülem sentong nung aden. Tan hopta tatembanglen nisung noklang tenet jungnúa baptiogo aser noklang aikati Khrista agizük," ta metetdaksü.

Nisung ka tenüng agi Mandy Hesker-i social media ajanga, "Tanü Tenla kima 'steps' nung mener ozü nüburtem den külemi Tsüngrem külembaji khenyongi jangratemtsüka liasü. Tashi tulu liasü," ta metetdaksü.

Ano nisung kati, "Yisu nem tenüngsang agütsür. Tanü sentong kanga junga agiogo. Nisung aika baptiba ngua kü

tenük nung nüktzü tsüngranga liasü," ta metetdaksü.

Amongnü tekülem sentong nungji nisung 500 dak temai baptitsü tenüng agüja liasü, ajisüaka baptiba mapang nungji ano nisung noklang ka dak temai baptitsü melungteta liasü, ta pastor Howerton-i metetdaksü.

Instagram post ka ajanga Lakepointe Arogoi Amongnü baptiba sentong nung agiba noksa aika lemsatapa "Taochi mopungsem liasü. Tan hopta tatembanglen Lakepointe Arogo nung nisung 682 baptiogo! Tenüng shiaji otsü kaka lir aser Khrista dak nüchiso angutsü atema takdang lir. Tsüngremer tesüngmangtsü mapa ajanga nisung jenti melenshitsür," ta metetdaksü.

Texas tesem balala nung tanela asentenshi milak jangrudar. Talisa tawa conservative lenir aser Turning Point USA tentetsang, Charlie Kirk khasetba sülen nisung aikati Tenla kidangi oa Tsüngrem külemer, ta lenirtemi metetdaksü.

New York nung aliba V1 Arogo nung pastor, Mike

Signorelli-i, tawa par Arogo nunga nisung 533-i Khrista agizükogo, ta metetdaksü.

"Iba ya shisadangra tesüngmangtsüka lir. Nisung 533-i Khrista nem taküm bendanga agütsü. Parnok rongnung tanur -tain zünga ajak densema liasü," ta pai metetdaksü.

Paisa, "New York nung Protestants nütsüng ishika dang aliba tesem ka nung aikati Khrista nem benanga agütsüogo. Linük nung lendong ka ajanga Tsüngremi aika den jembia aikati tekümtet anguba shisadanga ni tepela nung ajep," ta metetdaksü.

Signorelli-i, Kirk asüba ajanga aikati Khristan yimsü indang metettsü janrrar, ta ashi.

"Ibayongji pai (Kirk) college campuses-i oa tanela tongbang rara aser Khrista osangtajung lemsatapa liasü. Pai taküm bendanga agütsüba ya totzü nung mi tsükloksüba amai liasü. Totzüji kechi? Totzüji Generation Z lanurtem tensa lir. Iba nungji mi tsükloksüba ajanga asentenshi milak tulu janrrur," ta paisa shisem.

China nung Arogotem mita aoba mapang Khristan 70 puogo

September 26, 2025: East China tesem balala nung sorkar ketdangsertemi Arogo balala mita aoba mapang nung Khristan 70 dak tali puogo, ta Khristan melungtet telok Open Doors-i metetdaksü.

Tekülem sentong tagidak mapang nung pastor tem aser tamangertem aika apu; ano Khristan karbo pei kidang aser office nung lia apu.

Sorkar ketdangsertemi parnok dang, nenok koba Arogo nung adener aser nenoki Arogo nem tenla kwi agütsür, ta asüngdanga liasü.

Open Doors-i, "Tang tashiyim amshia Arogo dak sendakba maparen mita reprangba ama ya onoki kodanga mengudangi liasü," ta metetdaksü.

Open Doors Persecution Analyst for China, Thomas Müller-i, "Arogotem mita aoba nungji police 300 nungi 400-i shilem agia liasü. Parnok gari 200 shi nung aru. Iba tatalokba ajanga China nung Khristantem kanga aoksatapa liasü," ta metetdaksü.

"Khristan 20 shi dang yuan sen meyirjang aika senchi chiogo. Khristantemi Arogo nem ter-shilem agütsüba atema ketdangsertemi parnok dang senchi achi. Khristantemi akhidang nungi benshia aruba (ter-shilem tenla) inyakyim ya tangbo nokdangtsü meranger," ta Thomas Müller-i metetdaksü.

Müller-i, "Ter-shilem agütsüba ya tesüiba küm 2,000

tejaklen nungi benshia arur, ajisüaka tangbo iba ya oshimashi mapa, ta sorkar ketdangsertemi aitsür. Iba nungji ajemdaker ketdangsertemi Khristantem anema inyaker," ta metetdaksü.

Iba amai mapang shia ketdangsertemi mita aoba ajanga house church 80 nungbo tekülem sentong agiba anenadokogo.

"Iba ya tanga Arogotem nung Khristantem tansüdaksütsü atema inyakba lir. China nunger shiti o ka nung yamai shia lir, 'an tsübudaksütsü atema shiongo tepsetang'. Iba ya China nung Khristantem sademsadema melidaksütsü atema inyakba lir," ta Müller-i metetdaksü.

ANOGO ABEN TSÜNGREM DEN

Longji mezüdok

Longji shibai mezüdok süngmanger! Lenmang nungji tenokdangtsü tulu liasü, aser ni tashi mait ajanga aji mezüdoktsübaji shisabulua liasü! Kodang ni metaji atong, kü jakdang tenyar ka ao, aser tenokdangtsüji endoker liasü! Aser yashi sayatenya mapa nungi ni tanü shisatsü angazüktsüla aser tashi angutsüla.

Tejenba longji tamendakdak junga mali asü ta bilema long tasen mamenlokli.

Leper kümbang nung asangur nisungji ! Paji teti asangur dang aliba nisung ka liasu, aser pa leper kümbang nung süngjema mena liasü. Paji teraksa kibong nung azülaa moi aliba melen amenba liasu, aser aji kü teimla! Khrista nung meraksaba sobutsüji kü meyong, aser pa tatsüka mejangba ajanga kü nem lanur sobutsü sobutsübaji kü maongka lir. Idakji teti ayimba ayong nu lir, aser narotem teti mazülai apunger.

Aser tanga ni tarutsü aliba sentsüwangshiji tejangja angutsü akok. Tanga ni kotaker benjung tepelaji menakdangtsü akoker, aser mazülai aliba sentsüwangshiji sobutsü akok. Au, tanga kü teimla azülaa aotsü makok, aser timtem ajanga kümtem suiaka kü nükrang marakzüi akanga alitsü.

Pastor aser nüngtugu Laishir, Voddie Baucham alima nungi pilaogo



September 26, 2025: Pastor, nüngtugu Laishir aser kaketzülur, Voddie Baucham alima nungi pilaogo; pa arrshi küm 56 liasü.

Brihostibar nikongdang Baucham indang ministry, Founders Ministries-i social media ajanga, "Asen adianu Voddie Baucham, Jr. alima nungi pilaogo, ta onoki tejashi nung medemertem dang sangdonger. Pai tasüba lima toktsüogo aser taküm aliba limai oadokogo," ta metetdaksü.

"Tanep yakta pa ajungbena temang kanga mejungi akümba sülen pa anisüngzükdaki ogo. Pai meimba, tamang katetba Kibuba aser Khrista agizükba sülen college azüngba mapang nungi pai tenzüka aruba Kümtetdakba dangi ogo. Yimlibilema Bridget, chirnurtem aser semchirtem atema sarasademjang," ta Founders Ministries-isa metetdaksü.

Baucham ya 1969 küm March 11 anogo nung Los Angeles, California nung aso.

Pa Houston nung aliba Arogo ka nung pastor inyak aser Lusaka, Zambia nung aliba alima nungi pilaogo; pa arrshi African Christian University nung Theology Dean inyak.

Pai talisa Khrista mesüka alitsü, kibong nütsüngsüba aser alimar sobaliba den liromedema Khristan taküm ka alitsü atema sayutsüngia liasü.

2021 küm February ita nung Baucham temelungjang tashidak agi shiranga liasü. Iba mapang nungji alima tesem balala nungi Khristantemi pa atema sarasademtsüba dang masü saka senotsü agia yaria liasü.

Ita ishika tejaklen Baucham-i par kibong Florida-i aotsü aser Founders Seminary nung tenzüksü, ta metetdakja liasü. Baucham-i pa kinüngtsü den chirnur 9 aser semchir aika toktsür pilaogo.

Baucham-i kakat aika züluogo, aser item kakat rongnung Family Driven Faith, Fault Lines aser The Ever-Loving Truth kakettem densema lir.

AO OSHI ANGAZÜKDAK: TANÜ ANGAZÜKTSÜBA OJANG



Tir Yimyim

Tezüpa

(adj) temela, takoktsü, inyaktettsü (easy)

* Lokti mapa nung mapa tezüpa shima meinyaktsüla

Tezütera

(n) temang nung aliba tezütem,

* alu aser arem nung meyiba süngzüsingra (veins, creepers).
Arem nung tezütera lepdoka inyaker külen temang nung tezütera ashitsü tenzü.

OLONG PAITEP # 7283

1				2				3		4
5		6								
							7			
8										
										9
		10				11				
				12				13		
14										
						15				
16										

TIPIEN

2. Auo nung chiyongtsü asenba

- (7)

5. Mangyimba mapang

- (5)

7. O tamendakdak

- (4)

8. Pei dak malangba

- (7)

10. Juli

- (7)

12. Sen ayudak

- (7)

14. Tenük agi ajitet

- (4)

15. Tamajung aküm

- (5)

16. Apuso

- (7)

LANGTSÜNGLEN

1. Lenmang

- (7)

2. Aor kidong ka tenüng

- (6)

3. Tenarong maten

- (6)

4. A ____ g

- (3)

6. Mopung apodoka

ola adokdaktsüba

- (3)

9. Tongtipang tagitsü

- (7)

10. Menungra bilem

- (6)

11. Aiür

- (6)

13. S ____ k

- (3)

14. T ____ r

- (3)

OLONG PAITEP # 7282 TELANGZÜBA

TIPIEN :

1. Semtu, 3. Lepko, 5. Bilem, 8. Ulu,

10. Tsünpang, 11. Tesangwa,

13. Aoksa, 15. Putir, 16. Yipru.

LANGTSÜNGLEN :

1. Sayu, 2. Teb, 4. Kimong,

6. Lungkak, 7. Milak, 9. Zünga,

10. Temopu, 12. Walu, 14. Ali.

NAI-A YA METETTER MA



Saudi Arabia nung amenoka aliba Al Romaizan Gold and Jewelry Company ajanga alima otsü tasen ka yangluogo. Parnoki 'Dubai Dress' yanglu aser iba ya world's heaviest gold dress ta Guinness World Record-i kuli agütsüogo. Iba dress ya tang Sharjah Watch and Jewellery Expo pavilion nung sayur. Iba subotsü ya 21-carat gold agi yanglu aser seret 10.0812 lir. Iba 'Dubai Dress' indang jenjang ya AED 4.6 million (about Rs 11 crore) shi lir.

GOVERNMENT OF NAGALAND DIRECTORATE OF HEALTH & FAMILY WELFARE NAGALAND: KOHIMA

No. DHFW-5-23/TRG-NSG/2022/

Dated, Kohima the th Sept. 2025.

DECLARATION OF RESULT FOR ANM/FHW WRITTEN EXAMINATION 2025-26.

In pursuance of the Advertisement No. DHFW-5-23/TRG/NSG/2022/2158-62, dated Kohima the 11th June 2025. The following candidates are qualified to appear Viva - Voce on 08th October 2025 at 10:00 am. at Directorate of Health & Family Welfare, Nagaland, Kohima.

SL. NO	ROLL NO.	SL. NO	ROLL NO.	SL. NO	ROLL NO.	SL. NO	ROLL NO.	SL. NO	ROLL NO.	SL. NO	ROLL NO.
1	103	17	591	33	143	49	419	65	618	81	147
2	182	18	27	34	236	50	532	66	720	82	207
3	295	19	96	35	303	51	20	67	80	83	657
4	347	20	652	36	360	52	156	68	155	84	721
5	215	21	229	37	381	53	168	69	66	85	11
6	724	22	315	38	485	54	260	70	98	86	22
7	390	23	470	39	518	55	402	71	349	87	600
8	452	24	479	40	1	56	429	72	581	88	602
9	459	25	601	41	87	57	588	73	649	89	685
10	666	26	594	42	226	58	671	74	729	90	686
11	682	27	61	43	279	59	672	75	15	91	704
12	204	28	216	44	324	60	13	76	19		
13	364	29	398	45	101	61	389	77	25		
14	392	30	416	46	213	62	425	78	26		
15	458	31	460	47	254	63	605	79	92		
16	567	32	486	48	399	64	615	80	139		

NOTE:

1. The Candidates are directed to bring the ANM/FHW Admit Card and Educational original documents for verification.

(Dr. MERENINLA SENLEM)

Principal Director
Directorate of Health & Family Welfare
Nagaland, Kohima.

GOVERNMENT OF NAGALAND MINORITY AFFAIRS NAGALAND CIVIL SECRETARIAT

ADVERTISEMENT

Dated: Kohima, the 8th September 2025.

NO.MINORITY/1-ESTT/1/2023/130::In pursuance to this Department's Notification NO.MINORITY/I-ESTT/1/2023 dated 19.08.2025, applications are hereby invited for the post of Superintendent in the Pay Level-13 of the Pay Matrix from employees serving under the Government of Nagaland on deputation basis for a period of 03 (three) years or till such time the cadre staff qualify to hold the post, whichever is earlier under the Directorate of Minority Affairs, Government of Nagaland.

- Officers holding analogous posts or holding a post on a regular basis in immediate lower Pay Level with 03 (three) years of experience in establishment matters are eligible to apply.
- While submitting the applications, the candidate are requested to submit biodata/service details/experience duly certified by the parent Department and NOC from the parent Department.
- After scrutiny of the applications, suitable candidates will be shortlisted and called for interview/ personal interaction by the Selection Committee.
- Interested candidates are to submit application addressed to the Commissioner & Secretary, Minority Affairs on or before 30.09.2025.

Sd/-

JOHN KEVI ANGAMI

DRUM TAO-i TKM atema Brand Ambassadors inyaker

Bangalore, September 26, 2025 (Agencies): Toyota Kirloskar Motor (TKM)-i Japan nungi nüngtugu telok DRUM TAO den tesentaktep yangluogo aser parnok ya brand ambassadors asütsü.

DRUM TAO ya alima nung shilem tajung agiba, choreography aser stagecraft atema nüngtugu lir aser parnoki iba tesentaktep ajanga India nung musical journey balaka bener arutsü ta TKM-i sangdong ka nung ashi.

Japanese senmang aser India nung tenangzüka tulu yur inyakba company ka asünung iba tesentaktep ya performance atema dang masü saka külem tangatetbatem aser tesentaktep akangshir.

"Toyota Kirloskar Motor



nung onoki gari dang masü saka tesentaktep tajung yanglutsü nung amanger. Onoki iba tangatetba nung ajemdaker DRUM TAO den sendakteper" ta Sales-Service-Used Car Business & Profit Enhancement Vice President

Varinder Wadhwa-i ashi.

"Music aser rhythm ajanga alima puar aser talisa lanurtem atsür arur. Iba ya Toyota mangdang 'Happiness for All' den kanga putepa lir" ta Wadhwa-isa ashi.

Meghalaya nung organic farming kübok one lakh hectares dendaktsütsü

Shillong, September 26, 2025 (Agencies): Meghalaya Chief Minister Conrad K. Sangma-i World Food India 2025 nung jembidang taruba küm ana asemka tsüngda organic farming kübok ali one lakh hectares dendaktsütsü nükjiong aliba metetdaksü.

Iba sentong ajanga national platform ka agütsüba atema Prime Minister, Agriculture Minister, aser Food Processing

Minister nunger dang pelar ta pai ashi. Iba ajanga aluyimertem, entrepreneurs, cooperatives, self-help groups, buyers, aser technology providers nunger sendakteptsü aser külemi tajangzüak angutsü ta Conrad Sangma-i ashi.

"Ozü state nung organic production teimba akümer aser Northeast ajunga nung organic farming asüba nung Meghalaya-

i shilem agir. Onok indang nükjiongji taruba küm ana asem ka tsüngda organic farming kübok one lakh hectares dendaktsütsüba lir aser onoki iba ya atongtsü" ta paisha metetdaksü.

"Iba mapa ajanga aluyimertem income teimba akümba dang masü saka Meghalaya ya sustainable agriculture aser organic produce tongti tesem ka akümtsü" ta CM Conrad-isa ashi.

TEPELA LEMSATEPER

"Tenüng tajungji senti mozü dang tajungba, aser tasünüji tasonü dang tajungba," Sayutsünger 7:1



LT. LONGSATEMJEN AO (LONGMISA)
03.02.1956 - 17.09.2025

Onoki teti meima aliba ozü tsürabur asür **LONGSATEMJEN AO** shirang yipden nung lia iba lima nungi pilaba mapang kija, kinunger, kidanger, lokti, Arogo, medemsor aser temulunger shirnokisa ozü kibong den tamang Sarasadem, nübu aser rongsen agi yaritepogo, nenok ajak den iba sangdong ajanga pelaba lemsateper.

Ozü asoshi aria bilema mapa tajung inyakba atema ozüi nenok nem kecha meyipa magütsütettsü saka asen tulusang Tsüngremi nenok ajak moajang ta ozüi sarasademtsür.

~ Temeim kinungtsü, jabasotem, jalatem, semchirtem aser kinungertem.

Linük balalai Afghanistan dang kiralongrar tesendaktep raksatsü ashir

New York, Rongjui/Sept. 26 (Agencies): United Nations General Assembly (UNGA) senden amenba den külemi Russia, China, Pakistan aser Iran lungjemer sangdong ka nung Taliban dang tekum dangtsü ashi aser Kabul-i kiralongrar tesendaktep meraksatsüra timtem ajurutsü ta shiogo.

Pakistan-i Afghan Talibar anema ola adokogo aser Afghanistan nung 'terror network' aser 'proxies' ajunga shibangtsütsü akhangar. Kabul-i Doha accord shidak meinyaker, ta aitsü. Islamabad-isa tetsür aser tanur temeden mechi Kabul anema ken o ka benoker.

Islamabad-i Afghan Taliban dang BLA, TTP aser danga kiralongrar Afghan li nungi mapa inyaker azüoktsü ashi.

Linük pezü yagi Afghanistan nung ISIL, Al-Qaeda, ETIM, TTP, Jaish-ul-Adl, BLA aser Majeed Brigade aliba tebilemtsü

lemsatepa liasü. Parnoki Taliban yimsüsürtem dang militant camps shibangtsütsü, ajak adenba sorkar ka yangertsü aser tetsür aser kin tilatem kumzüka ayutsü ajungshir.

Minister temi iba amala teloktem ya region aser alima security asoshi tejangja timtem lir ta sangdong.

Linük pezü yagi Afghan nung amenoka aliba telungpur tem nungi region kumzüka ayutsü nangzüik aser tashi tait Kabul den rongsenketzüng tsütsü tesendaktep alitsü mulunga lir ta ashi.

Afghanistan nungi America nung ar sanga ainshidang military facility aika Taliban kabu nung yutsür küm pezü lir US Tir Donald Trump-i Bagram Air Base tanaben agitsü merangba Deobarnü Taliban sorkari magizük.

Afghanistan-i meyipa aotsü atema US aser Afghan ketdangsurtem kechi jembiar mejangja. Ajisiüaka Trump-ibo

Taliban-i US mitkartem tanaben arudaktsütsü mulunga lir, ta ashi. Taliban ya rongsenketzüng nung timtem ajuruba kisüing masü linük aikati magizüker, telung nung mangatettep lir aser parnok anemba telungpur telok jenti lir.

Trump-i jembiba Taliban odongtar Zabihullah Mujahid-i magizük aser US dang kanga junga shisadanga telemteba agitsü aser asangsang nung mapa kuma inyakba policy ka yanglutsü ajungshia liasü.

Afghanistan indang foreign policy ya rongsenketzüng nung rangloka lir aser linük ajunga den kanga tangatettep aser tejangraba nung tesendakte tajung alitsü meranger, ta Mujahid-i X nung post asü.

Linük ana tsüingta jembishinü ajunga nung US dang Afghanistan indang independence aser litsü-lika wazüka ayutsü ya tongtipangtuba ta shia arur, ta pai ashi.

Israel nem West Bank magidaktsütsü: Donald Trump

Washington, Rongjui/Sept. 26 (Agencies): Donald Trump-i Israel Ato Kilonser Benjamin Netanyahu nem Israel-i amokbanga aliba West Bank magidaktsütsü ta shiogo.

Hokulbarnü UN General Assembly nung Netanyahu-i jembitsü lia US tiri White House nung osangbener dang, "Ni Israel nem West Bank magidaktsütsü... Ibaji mataloktsü," ta ashi. Trump, shibai Hombarnü Netanyahu den ajuruteptsü ali, paisa Gaza nung raraba mechi ceasefire ka alitsü "kanga anasa" lir ta ashi.

Rara aser West Bank agiba anentsü Israel dang linük aikati

kanga ajungshir, aser anüolen linük aikati independent Palestinian state ka agizüker. Far-right Israel nung temi West Bank agiba ajanga Palestine linük ka adokdaktsüba nokdangar ama angateter.

Netanyahu indang coalition sorkar nung ultranationalist temi West Bank ya Israel-i agitsüla ta shijen ashir, koba Palestinian territories nung shilem ka lir.

UK aser Germany linüki Israel dang West Bank magitsü shiogo, aser UN Secretary General Antonio Guterres-ia iba ama mera agira mulungsentsü, ozüing aser yimtenren tsütsü nung tatok malitsü ta shia lir.

Trump-i Brehostibarnü Oval Office nung osangbener den jembidang, pai Netanyahu aser Middle East nungi lenirtem den jembio, ta ashi.

"Gaza nung tezüingzüktep ka alitsü asoshi kanga anasai aor, aser yimjunga alitsü akok," ta Trump-i ashi.

Kasa anogo Palestine Tir Mahmoud Abbas-i video link ajanga UN General Assembly nung jembidang, Hombarnü France-i sangdongba ama Israel aser Palestine nung atema yimjung sentong ka mapa kuma inyaktsü renema lir ta alima lenirtem dang ashi.

(Maneni tapak 8 nung...)

TENÜNGSANG AGÜTSÜR

Süngratsü Students' Union
Yisemyong ajanga Wb. Imlitemsü
Ozüüküm aser Wt. Bendangnaro na jabaso
Sb. SENTIMOA OZÜKÜM-i 18th - 20th July,
2025 tashi South Korea nung Open
International Taekwondo Championship
(under 55kg category) aser 29th - 31st July,
2025 nung

Nagaland State Taekwondo
Championship asaya tetoktepba
anaprongla nungji Gold Medal jenjang
ngutetba asoshi tenüngsang agütsür.
Tarutsü nung ne sempet aser ne taküm
Tsüngremi maneni moajangma.



Sd/-
SASHICHUBA JAMIR
President
Süngratsü Students' Union
Yisemyong

Sd/-
MOAMENLA LONGCHAR
General Secretary
Süngratsü Students' Union
Yisemyong

SANGDONGER

Longkhum aküm nü nungi tanü tashi Longpok Semchir Longkumer kidong aser Longchar kidong ya putusa putu kiba lenbua aru. Tanü putu nunga kibong aika lenbutepba lir aser tarutsü nunga lenbua aotsü. Anungji Longkhum süngkümshi nungbo kecha tashi agia item kidong ana tsüingta kiba lenbuba ren ya nokdangtsü makok ta Aoli nung ar ajak dangi sangdonger.

- (1) - Mayangmelen (Longkumer) Mayang
- (2) - Dimatongzuk (Longkumer) Lima
- (3) - Imenba (Longkumer) Imen
- (4) - Imlimatem (Longkumer) Imli
- (5) - Chukotong (Longkumer) Atang
- (6) - Imjükiimba (Longkumer) Mium
- (7) - Sungangtuba (Longkumer) Angang
- (8) - Pangermangyang (Longkumer) Mayang
- (9) - Jungshimeren (Longkumer) Mium
- (10) - Lipshgulu (Longkumer) Lipsh

AO RIJU SANGDONG

Ao Riju-i achaayanga agiba Arangtet Tatidang-2025, koba Mongputeni 1-3 tashi nung agitsüba lir, Mokokchung tesem nung agütsütsüpurtem Admit Card Rongjui 29-30, 2025 tsüingda office-i tabeni arutsü sangdonger. Tanabuba nung Kohima nung agütsütsüpurtem tatidang mezüingbuba anepdang (Mongputeni 1, 2025) 9:30 ako nungi tatidang agitsüba tesem nung achaayangertem ket nungi angutsü.

Sd/-
(S. Wati Ozüküm)
Tongti Zülur



IDBI Bank Limited
Dimapur, Nagaland Leirauki, 1st Floor
Kharmahal Junction, P.O. 173 Dimapur
Pin : 797112, Nagaland

APPENDIX IV [RULE 8(1)] POSSESSION NOTICE (For Immovable Property)

Yangi meyongnem agüja alir ya Securitisation and Reconstruction of Financial Assets and Enforcement of Security Interest Act, 2002 (54 of 2002) kükok IDBI Bank Limited indang tejangja ketdangsur asünung aser Section 13(12) read with rule 3 of Security Interest (Enforcement) Rules, 2002 kükok tashi agüja aliba amshia **Sec 13(2)** of SARFAESI Act kükok Demand Notice ka **23-07-2025** nü applicant/sen apur - **Debashish Kumar Barman (Borrower) aser Sanjita Barman (Co-Borrower)** dang **10.05.2025** tashinung sen **1,57,82,613.71 / - (One Crore Fifty Seven lakh Eighty Two Thousand Six Hundred Thirteen and Seventy One Paise Only)** aser iba sülen tetemlok iba sangdong agütsür anogo 60 tsüingta menokang ta metetdaksü.

Ajisüaka senpuri sen memonoktet nung, senpur aser nüburtem dang onoki tsüinglanglen shia aliba ali-kimong ya yangi meyongnem agüja alisang nem sub-section (4) of section 13 of Act read with rule 8 of the Security Interest (Enforcement) Rules, 2002 kükok tashi agüja aliba ama **September 24, 2025** nü agir.

Talisa senpur aser nüburtem dang iba ali-kimong lija-liyong masütsü aser lija-liyong lira IDBI Bank Limited nem **10.05.2025** tashinung sen **1,57,82,613.71 / - (One Crore Fifty Seven lakh Eighty Two Thousand Six Hundred Thirteen and Seventy One Paise Only)** aser iba sülen tetemlok agütsütsü lir ta metetdaksü.

Date : 24.09.2025
Place : Dimapur, Nagaland

Sd/-
Authorised Officer, IDBI Bank Ltd.

47th Nagaland Sub-Junior & Masters Badminton Championship ayonger

Dimapur, Rongjui/Sept. 26 (TYO): Nagaland Badminton Association (NBA) ajanga ayongzükba Li-Ning 47th Nagaland State Sub-Junior and Masters Badminton Championship phase tanabuba K Kire, IPS Indoor Stadium, Nagaland Police Complex and Multi Disciplinary Stadium,

Sovima, Chümoukedima nung September 30, 2025 nü tenzüksü aser October 3, 2025 tashi asayatsü. Iba championship nungya Nagaland nung district 17 nungi Under-9 nungi Masters 65+ Veterans tashi categories 48 nung asayartem adenshia shilem agitsü, koba region nung ajaki

shilem agiba badminton asayamung ka kumdaktsür. Asayamung tenzüka sentong tatsüka agitsü aser October 3, 2025 nü asayamung tembangba sentong Advisor, Geology and Mining, Department of Underdeveloped Areas, W Chingang Konyak-i moatsütsü.

Tesem tamajung nung World Cup masayadaktsütsü: Trump

Washington, Rongjui/Sept. 26 (Agencies): Timtem alitsü akok ta bilemba yimti kecha nunga 2026 World Cup masayatsü, ta US Tir Donald Trump-i ashir.

Taruba küm meyi mapang team 48 asayamung ya US kübok yimti 11 nung ayongzüksü sentong lir, koba Canada aser Mexico den külemi ayongzüker. Asaya 104 nungi final densema asaya 78 tashi US nung asayatsü.

World governing body FIFA ya iba asayamung ayongzüksü aser yimti tem shimtsü nung kibur lir, aser tang mesüra khen lir temelenshi kar danga lira, logistic tsütsü timtem ajurutsü.

Iba ama temelenshi asoshi Trump dak tashi alia-maliar mejangja, ajisüaka pa ya FIFA tir aser World Cup taskforce mendenpuba den tesendaktep tajung lir.

"Ibai World Cup atema tajung asütsü. Majung südi ta ni bilemra, onoki yimti balakati belentsü," ta Trump-i Oval Office nung osangbenertem dang ashi.

US nung iba asaya ya Atlanta, Boston, Dallas,

Houston, Kansas City, Los Angeles, Miami, New York/ New Jersey, Philadelphia, San Francisco aser Seattle yimtittem nung asayatsü.

Democratic teloki yimsü süa aliba Seattle aser San Francisco yimtittem nung asayatsü indang Trump dang asüngdanga liasü. Yimti ana nungya asaya trok tashi asayatsü lir.

Pai Los Angeles tenünga tetshi, koba Democratic party tashi ita lir, kong 2028 Olympics aser taruba küm matches ti tashi ayongzüksü.

"Yimti kar danga World Cup asoshi mesüra Olympics asoshi, saka talisa World Cup asayaba nung lendong lir ta bilemra, yangji masayadaktsütsü," ta pai ashi.

Trump indang agenda nung mapa tamajung inyakba azüoktsü ya tongtipang südaktsür. 2023 nung mejungi akumba sülen mapa tamajung inyakba ajema akumer ta sayuaka, taoba ita pai Washington DC nung National Guards sepaitem aser federal officers tem yoka liasü.

Pai Memphis aser Chicago-ia sepaitem yoktsü sentong

yanglua liasü ta ashi.

June ita kuli tejangja makaba migrants tem meita aoba mechi rongrongshirong adokba azüoktsü atema pai National Guardsmes 2,000 tashi Los Angeles-i yoka liasü.

World Cup group stage atema draw ya December 5 nü Washington DC nung alitsü.

Iba asayamung ya June 11 nungi July 19 tashi alitsü.

Trump-i World Cup indang jembiba ibai mezüing masü.

May ita nunga Russia nunger iba asayamung nung asayatsü maongka ya Ukraine nung rara tembangba indang taa ka asütsü, ta shia liasü.

Ajisüaka Russia-i 2022 küm nungi Ukraine amakba mechi FIFA aser UEFA ajanga Russian national football team ya international competition nungi nokdanga lir aser World Cup atema qualification tenzükogo.

March ita nunga US aser külemi iba asayamung ayonger Canada aser Mexico tsüngta yimtenren aser rongsenketzüng tsütsü mangatettep aliba ya asayamung asoshi tajung asütsü ta pai shia liasü.

STATE OSANG :

Tapak 2 nungi...

Dimapur nung Waste Management & Composting...

"NCAP takok angutsü ya sorkar, local bodies aser tongtipangsa nüburtem dak keta lir. Nisung shiai tebilemtsü angateta jana-reja arongba anenba, pei aliba tesem aser temeket müreka ayuba aser süngdong atemba, takum yimya melenshiba ajanga asangsang temelenshi tenzüker," ta Imlijungla-i ashi. "Asenoki imlaba temelenshi ya asen dak nungi tenzüksüla."

Dimapur Municipal Council ajanga District Administration, Dimapur; Development Authority; Department of Environment and Climate Change;

Nagaland Pollution Control Board, aser National Youth Climate Consortium den Team Better Dimapur, Can Youth, aser Pro-Rural densema NGOs den lungjemer September 27, 2025 nü Run 4 Green Marathon ayongzüksü aliba indanga lai metetdaktsü.

DMC nungi Consultant, Adrian-i jana bensaa amshitsü nüngdakba indang jembidang, jana rongdokba ya ajak asoshi timtem lir, ta ashi.

Jana ya kanga junga lemsaa rongsen kumdaktsütsüla, ta pai ashi. "Kibong ajak nung jana takong aser tai bensaba nung shilem agitettsü. Kechiserna ajak kasa 'bin' nung

meyoktsüla. Asenoki khuret angateta kati ka dang sayura, asenoki jana ya rongsen kumdaktsütsü aser Dimapur temürekba aser tajungba kumdaktsütsü," ta pai ashi.

Ita shia labour, drivers aser diesel nung DMC sen 48 lakhs shi indoker, ajisüaka kanga junga amshira jana nungi sen kumdaktsütsü lenmangtem lir, ta pai ashi.

Life Ministry Learning Centre-i anir technical session agiba mapang jana bendantsü aser anepalutsü yimyatem sayua liasü. Iba workshop tembanga KWO tongti zülur Kesovonou-i sarasadema liasü.

Dr. Rosemary Dzuvichu amokmerenba DAYO...

WJ Longkumer-i Facebook group "Unified Nagaland for Christ" nung Dr. Rosemary Dzuvichu amokmerena o tamajung züluba atema khukhua aitsür. Iba ama amokmeren aser tesempatsü o züluba yagi temulung nung anisüngzük makar, ta Ao Lanur Telongjem Chümoukedima (ALTC)

sangdong ka ajanga ashi.

Dr. Rosemary Dzuvichu ya tetsür temeden aser Nagaland nung yimten yimsüsüba nung tetsür shilem agitsü asoshi tasü ita nokdaker tejangja lir. La anema o tamajung ashiba ya mulungsentsü agi magizüktetba kija masü saka ochi aser kasa temeden asoshi tasü ita nokdakba tetsür ola

madokdaktsütsü merangba lir, ta ALTC ajanga ashi.

Dr. Dzuvichu aser lar kibong kumzüka ayutsü asoshi tekeraba nung mera agitsü state ketdangsür aser ozüing amshiba agencies dang onoki ayongzüker aser tekeraba nung aibelener nem tapet temerenshi agütsütsü akhanger, ta ashi.

INDIA OSANG :

Tapak 3 nungi...

Bihar election atema BJP-i...

Election Commission-i election agitsü anogotem mesadongdang yongi NDA teloktep aser RJD-Congress-i aniba INDIA teloktepi election nüboyim tenzüka aitsütep tenzükogo.

Bihar nung ruling aser opposition napronglai lokti senden ayongzüka agir, yatra agir aser constituency balala nung senden ayongzüka agidar.

Ano tanga osang ka nung, Bihar election dak sendakba nung Hokolbarnü Narendra Mukhyamantri Mahila Rojgar Yojana tenzükja Bihar nung

tetsür lakh 75 indang bank account shia nung sen 10,000 inoktsüogo.

Delhi nungi online conferencing ajanga Modi-i iba scheme tenzüksüba sentong nungji Bihar chief minister Nitish Kumar, Deputy CM Samrat Choudhary aser minister tem aika aden.

Iba scheme ajanga tajangzük angurtem den jembidang Modi-i, "Tangbo Bihar nung tetsürtem atema adianu ana- Nitish aser Modi na lir. Tetsürtem jenjang tajungba kumdaktsütsü atema adianu ana jagi inyaker," ta metetdakja liasü.

BENDANGLI OSANG : Tapak 7 nungi...

Israel nem West Bank-i...

Arishi küm 89 tain Abbas ya New York nung UN headquarters alidaki US-i marudaktsü.

Deobarnü Canada, Australia, UK aser Portugal linük temi anir Palestine linük ka lir ta sangdongba atema Abbas-i pelaba lemsatapa liasü. Iba sülen France, Belgium, Luxembourg, Malta, Monaco, San Marino, Andorra aser Denmark linük temia Palestine linük ka lir ta sangdongogo.

Tangya US-i Palestine linük agizüksü memulunger aser iba ama mera ya Hamas asoshi sempet ka asütsü ta ashir.

"Yimten yimsüsüba nung Hamas-i shilem magitsü," ta Abbas-i UNGA nung ashi. Paisa Israel nunger ainshiba sülen Gaza Strip atema Palestine linük kati mapa ajak inyaktsü aser Israel-i amokbanga aliba West Bank den sendakteptsü indang ashi.

Mongulbarnü UN nung Trump-i tongtipang Arab aser Muslim linüktem nungi lenirtem ajuru aser parnokia Israel-i West Bank agitsü merangra timtem asütsü ta shia liasü.

"West Bank agiba nung lendong lir ta US tiri kanga junga angateta lir ama bilemer," ta Saudi Arabia indang Foreign Minister Prince Faisal bin Farhan-i osangbener dang ashi.

Bodhbarnep Israel-i West Bank aser kidanger Jordan tsüngta crossing ka dang aliba shibang, anungji Palestine nunger million ana dak tema linük dangai aotsü makoker. Jordan nunger prangbong

benalir kati Israel mitkar ana khaseter anogo ana lir iba crossing ya shibanger.

Gaza nung Bodharnü Israel-i injang-bomb khaloktsüba nung tetsür aser tanur densema Palestine nunger 80 dak tema asü aser parnok ya timba Gaza City nungi lir, ta yangji aliba mozüki tem osang ajanga ashir.

Hamas-i anir telungpur telok temi October 7, 2023 nü Israel south tsütsü maka nisung 1,200 shi tepseter ano nisung 251 pua bener aoba langzüa Israel mitkari Gaza nung campaign ka tenzüker.

Iba sülen Israel-i Gaza amakba nung tanur 18,000 dak tema densema nisung 65,419 tepsetogo, ta iba territory nung Hamas meyong health ministry ajanga ashir.

August ita UN-i yariba Integrated Food Security Phase Classification (IPC) ajanga Gaza nung nisung million tesadang ka dak tema yasa-tzüraba, kangasa maka-mait aser tasüba tia ajurua lir, ta ashi. Ajisüaka Netanyahu-i Gaza nung yasa-tzürä mali ta ashir.

United Nations indang inquiry commission kati Israel-i Gaza nung Palestine nunger ajunga samatsütsü meranger ta bushitet, koba Israel indang foreign ministry-i magizüker.

Linük timbai Palestine nunger linük ka lir ta sangdongba den European Commission-ia Israel den shishilempaba nung tenokdangba agütsütsü sentong ka sayaogo, saka ano mapa makum.

BILEMDANGANG

"Keraa telemtetba agiba ya aiben tajung masür."